

03 來去宜蘭佈田

Ng Ū-thiām

人講：「一粒米，百粒汗。」最近有機會去佈田了後，才知影按呢講確實是「規攞好好——無錯」。毋但百粒汗，欲講千粒汗、萬粒汗嘛講會得過。莫怪以早足濟作穡人攏希望囡兒序細會當去都市做別款工課，莫恰個全款佇田裡作穡。

毋過有一個少年人，顛倒對臺北搬轉去宜蘭，因為個阿公過身，伊共無人欲作的水田承落來，堅心毋濺農藥、毋噴除草劑，嘛無欲用化學肥料，就是希望有一個對大自然友善的環境。若半暝睏袂落眠，伊就去田裡祛金寶螺，莫去予個共拄佈落去的秧仔食了了，等天拍磗仔光，就規袋提去曝。因為伊的堅持，連水鳥仔都去遐作岫，生炭後一代。

幾個家庭恰伊合作，一個月一擺，去伊的田裡共伊門相共，實際體會田園種作的滋味。阮兜無車，著愛佇四禮拜進前拆火車票，若跤手傷慢慢無坐票，著愛倚規路，按呢就費氣矣！會記得頭一改參加的時陣，先步輦去附近的廟寺，提阮攢的甜路參拜土地公，請伊共阮保庇，向望有一個好年冬。

繼落來就行去已經有紡田、犁田、淹水的水田，天頂

閣有白翎驚咧飛，誠實是生態足好的所在。逐家共褲跤擊起來，共淺拖仔褪佇路邊，襪仔的長度愛超過頭跌，按呢行佇田裡較安全，嘛較袂予蟲咬。阮就行佇軟軟靛的田岸，邊仔的田塗已經用畫逝的輪仔畫做一格一格，滿滿的十字記號佇塗裡，等阮佈田。

共跤對田裡擇懸的時陣，動作愛慢，才袂因為倚袂在，佇田裡跛跋倒。逐家行到上頭前，共秧船的秧仔提起來，向腰倒退行，佈入去十字記號頂懸。今仔開始會講會笑，五分鐘後就無氣力通講話矣。阮倚佇田裡一點鐘，那佈田那祛金寶螺，若腰脊骨痠疼，就倚起來伸輪一下，擰頭看天頂，彼種忝的感覺就綴白翎驚做伙飛去矣！

尾仔阮坐火車轉來的時陣，我就共阿母講，原來一粒米是按呢種出來的，真正無簡單！後擺食飯的時陣，我一定愛全部攏共食予完。